

摘藻堂四庫全書薈要

集部

欽定四庫全書薈要

集部

御定全唐詩卷八百

七十六至
八十一

臣紀昀詳校
詳校官原任主事臣李斯咏



欽定四庫全書薈要卷一萬八千二百八十一集部

御定全唐詩卷八百七十六

二賀詩

越州賀德仁少與從兄德基咸以詞學見稱時人語曰

可師賀德基文質彬彬賀德仁

四王語

江王元祥性貪鄙為人吏所患時滕王元嬰蔣王暉魏王鳳亦稱貪暴有授得其官府者以比嶺南惡處為之語曰

寧向儋崖振白不事江滕蔣號

時人為屈突語

屈突通初事隋為右武侯車騎將軍奉公正直雖親戚犯法無



所縱舍弟蓋為長安令亦以
嚴整知名時人為之語曰

寧食三斗艾不見屈突蓋寧服三斗蔥不逢屈突通

楊刺史語

楊德幹歷澤齊汴相四州刺史治有威名郡人為之語曰

寧食三斗蒜不逢楊德幹

萬年人語

權懷恩為萬年令賞罰嚴明見惡輒取時語曰

寧飲三斗塵無逢權懷恩

贊皇人語

贊皇李太沖太宗時為禮部郎中名冠宗族鄉人語云云孝端太沖族兄

也

太沖無兄孝端無弟

高宗時語

閻立本善畫為右相姜恪以邊將立功為左相時人語云

左相宣威沙漠右相馳譽丹青 三館學生放散五臺

令史經明

時以年饑放國子學生歸又限令史通一經人續之云云

時人為李義甫語

義甫嵩權其子津洽洋婿柳元貞四人皆憑恃受職義甫

敗竝除名長流時人為之語云云

今日巨唐年還誅四凶族

洛州語

初高宗時賈敦頤為洛州刺史有政績神龍中仁愿為洛州長史皆一時之最

故時人
語曰

洛州有前賈後張可敵京兆三王

江淮間語

安陸郝處俊與其舅許圍早同州里俱秉鈞衡又其鄉人田氏彭氏以殖

貨見稱有彭志筠者顯慶中嘗上表請以家絹布二萬段助軍授奉義郎故江淮間語云

貴如許郝富若田彭

河北語

武懿宗封河內郡王安撫河北民陷契丹來歸者懿宗搃殺之流血盈前不顧

初契丹別帥何阿小陷冀州多屠害士女至是人以懿宗暴忍似之為之語曰

唯此兩何殺人最多

李昭德為王弘義語

則天時王弘義告變拜御史嘗於鄉里求旁舍瓜

主吝之義乃狀言瓜園中有白兔奉
敕捕逐斯須苗盡內史李昭德曰

昔聞蒼鷹獄吏今見白兔御史

京洛語

許欽明與郝處俊鄉黨親族兩家子弟
類多醜陋而盛飾車馬以遊里巷京洛

為之
語曰

衣裳好儀貌惡不姓許即姓郝

臺中語

則天時夏官侍郎侯知一年老敕放致
仕上表不伏於朝堂踊躍馳走以示輕

便張惛丁憂自請起復吏部主事高筠母喪親戚為舉哀筠曰我不能作孝員外郎張栖貞被

訟詐遭母憂不起對臺中為之語曰

侯知一不伏致仕張惛自請起復高筠不冑作孝張栖

貞情願遭憂

吏人語

尹思貞為司府少卿清剛難犯時卿侯知一亦屬威嚴吏人語云

不畏侯卿杖惟畏尹卿筆

選人語

石抱忠檢校天官郎中與侍郎劉奇張詢古同知選抱忠素非靜慎奇久著清

平詢古通婚名族將分銓時人語曰

有錢石上好無錢劉下好士大夫張下好

碩學師劉子儒生用與言

抱忠復與許子儒同知選奇以公清稱抱忠師範子儒頗

任令史勾直每注官呼曰勾直乎時人又為此語云

今年柿子并遭霜為語石榴須早摘

選人為奇與抱忠擯抑者復為此語

後兩人同棄市

韋氏語

韋承慶罷相除禮部尚書嗣立繼為鷹臺侍郎平章事時人語曰

大郎罷相小郎拜相

益州人吏語

杜景儉為益州錄事參軍時隆州司馬房嗣業除益州司馬除書未

到即視事。答僚吏示威。景儉規其未可。嗣業怒。景儉叱左右令罷散。俄有制除荊州。竟不如志。

人吏為之語曰

錄事意與天通。益州司馬折威風。

天授中語

杜景儉為司刑丞。與徐有功及來俊臣侯思止理刑獄。時人稱之云。

遇徐杜者必生。遇來侯者必死。

時人為鄒昉語

鄒駱駝長安人。先貧賣蒸餅於勝業坊。饒得金數斗。於是巨富。

其子昉與蕭佺駱馬遊。時人語曰

蕭佺駱馬子鄒昉駱駝兒。非闕道德。合只為錢相知。

題張昌儀門語

昌儀恃易之昌宗之寵所居奢溢逾於王者末年有人題其門

云云昌儀見之命筆續其下曰一日即足未幾及禍

一兩絲能得幾時絡

時人號李知遠語

知遠知選胥吏肅然斂迹時人號云

李下無蹊

又號李乂語

乂典選事請謁不行時人又語云

李下無蹊徑

竇僕射語

竇懷貞為御史大夫諂附韋庶人庶人乳母王氏卒蠻婢嫁為懷貞妻俗

謂乳母壻為阿蒼懷貞每疏列官位必曰皇后
阿蒼時人或以國蒼呼之了無慙色庶人敗復
附太平公主累拜尚書左僕射睿宗為金仙玉
真二公主創立兩觀贊成其事躬自監役時人

為之
語曰

竇僕射前為韋氏國蒼後作公主邑丞

時人為崔無詖語

崔無詖韋后中表為衛尉卿
時中書令蕭至忠甚承中宗

恩顧無詖婚至忠女后為女家中宗
為兒家供擬甚厚時人為之語曰

皇后嫁女天子娶婦

神龍中語

崔日用冉祖雍鄭愔趙履溫李愔等
共託武三思權熏炙中外天下語曰

崔冉鄭亂時政

斜封官語

初姚元之宗璟知政事奏請停中宗朝斜封官數千員及元之等出為刺

史太平公主又特為之言有敕總令復舊職右率府參軍柳澤上疏諫引人語云

姚宋為相邪不如正太平用事正不如邪

李處郁語

幽州都督孫佺五月北征軍師李處郁諫不從師果敗

殮若入咽百無一全

殮音孫山東人謂溼飯為殮幽州以北竝為燕地故云

景雲初語

盧從愿為吏部侍郎典選六年頗有聲稱時人語云云褒即行儉馬謂戴

李謂朝

隱也

前有裴馬後有盧李

先天時京中語

姜師度於長安城中穿渠堰水授司農卿於後水漲則奔突水

縮則竭涸開黃河向棣州所費不貲仍苦淹漬又役夫塞之以為功官品益進時有傅孝忠為

太史令自言明玄象崇行矯謫京中語云云神武即位竝斬之

姜師度一心看地傅孝忠兩眼相天

一作傅孝忠兩眼看天姜師度一心穿地

時人號王丘崔沔語

丘與沔竝掌吏部時人為之語曰

丘山岌岌連天峻沔水澄澄徹底清

吏部過官語

侍中裴光庭以主事閭麟之為腹心為主吏部過官每麟之裁定光

庭隨口下筆
時人語曰

麟之口光庭手

郇公廚語

韋陟襲父安石封郇國公廚中飲食香味錯雜人或入其中多飽飫而歸

俗語云

人欲不飯筋骨舒黃緣須入郇公廚

四俊語

開元時張嘉貞為相所薦中書舍人苗延嗣呂太一考功員外郎員嘉靜侍御

史崔訓皆位清要日與議政事故當時語云

令君四俊苗呂崔員

八友語

趙驊少與殷寅顏真卿柳芳陸據蕭穎士李華邵軫友時為語云云謂能全其

也交

殷顏柳陸李蕭邵趙

羅吉口號

明皇朝侍御史羅希奭吉溫附李林甫相勗以虐時號云

羅鉗吉網

里閭詛語

明皇時御史王旭李嵩李全文竝尚嚴酷京師號黑赤白三約里閭至相

曰詛

若違教值三豹

陝州語

盧奐為陝州刺史以嚴毅聞州民多有淫祀者民相語云云後明皇擢為兵部

郎侍

不須賽神明不必求巫祝爾莫犯盧公立便有禍福

真源邑語

真源多豪猾大吏華南金樹威恣肆邑中語云云張巡調令真源下車以

之法誅之

南金口明府手

稱二王語

王右丞維及第縉以科名文學冠絕當代時人云

朝廷左相筆天下右丞詩

代宗朝京師語

元載專權事以貨成及常袞為相雖賄賂不行介碑自專失於

分別故是時京師語曰

常無分別元好錢賢者愚愚者賢

戲諫司語

李泌相德宗奏請罷拾遺補闕上雖不從亦不授人諫司惟韓皋歸登而

已泌仍命收其署餐錢令登等萬食於中書舍人故時戲云

韓諫議雖分左右歸拾遺莫辨存亡

裒度語

度不信術數不好服食每語人云

雞豬魚蒜逢著則喫生老病死時至則行

魏博語

魏牙軍起田承嗣募軍中子弟為之父于世襲悍驕不顧法令更易節帥不嘆

意輒害之厚給廩姑息不能制時語云云

長安天子魏府牙軍

寶歷宮中語

寶歷二年浙東貢舞女二人一曰飛燕一曰輕鳳修眉點首蘭氣融

冶帶輕金之冠珠玉芙蓉為頂羅衣無縫而成歌一發如鸞鳳音舞態豔逸非人間所有上藏之金屋寶帳由是宮中語曰

寶帳香重重一雙紅芙蓉

京師人號牛揚語

牛僧孺與揚虞卿兄弟驅駕輕薄有不附已者潛被瘡痛

京師為
之語云

太牢筆少牢口東西南北何處走

太牢僧孺少
牢虞卿也

又號牛李

門生故吏不牛則李

李謂宗
閔也

荆南語

段文昌帥荆南州或旱禳解必雨
或久雨遇出遊必霽民為語曰

旱不苦禱而雨雨不愁公出遊

鄭仁表自語

仁表豪爽以門閥
文章自高嘗云

天瑞有五色雲人瑞有鄭仁表

湖蘇二郡語

南郡新書咸通末鄭渾之為蘇州督郵譚銖為馭院官鍾輻為院巡

皆廣文生時湖州牧李超趙蒙為代俱狀元及第二郡人為語曰

湖接兩頭蘇聯三尾

廣明初都人語

黃巢未入京師都人以黃米及黑豆屑蒸食之因有此語

黃賊打黑賊

吏部舊語

吏部故事故長勝舊語云

長名以前選人屬侍郎長名以後侍郎屬選人

省中語

後行祠屯不博中行都門中行禮部

一作刑戶

不博前行駕

庫

郎吏語

尚書郎吏兵部為前行司門都比屯田虞水膳部主客皆在後行閑簡無事語

曰

司門水部入省不數

諫院臺省語

諫院以章疏之故憂患畧同臺中則務糾舉省中多事旨趨不一故

云

遺補相惜御史相憎郎官相輕

御史臺語

御史故事監察院長
與同院禮隔語曰

事長如事端

京兆府語

京兆府兩縣引馬到府門傳門而報
兩尹入廳大尹亦到廳不得候兩尹

坐後出不得候
兩尹立後出

不立兩縣令不坐兩少尹

翰林諫議語

唐稱翰林為坡諫議大夫亦稱坡
諫議大夫班本在給舍上其遷轉

則諫議歲滿方遷給事中自
給事中遷舍人故當時語云

饒道斗上坡去亦須却下坡來

舉子語

舉子七月後即於諸州府援解人為語曰

槐花黃舉子忙

明經進士語

三十老明經五十少進士

言其艱難也

雜帖語

常衮為禮部放雜文過者常不百人鮑防為禮部帖經落人亦甚時謂云

常雜鮑帖

閩人語

歐陽獨步藻蘊橫行

謂歐陽詹及林藻林蘊相繼登第也

舉場語

太和中李宗閔牛僧孺輔政引楊虞卿為右司郎中弘文館學士待之尤厚歲

舉選者皆走門下無不得所欲當時其黨有蘇景胤張元夫而虞卿兄弟汝士漢公尤為人所

奔向故

語曰

欲入舉場先問蘇張蘇張猶可三楊殺我

大中後進士語

大中後進士尤盛李都崔雍孫瑄鄭嵎四君子蒙其盼睐者多

進升
故曰

欲得命通問瑄嵎都雍

大中時語

宣宗朝崔鉉秉政所善者鄭魯楊紹復段瓌薛蒙頗參議論時人語如此

帝聞書之於宸
鉉卒以此罷

鄭揚段薛炙手可熱欲得命通魯紹瓌蒙

一作魯紹瓌
蒙識即合通

選舉人語

大中咸通中盛傳崔慎由相公常
寓尺題於知聞故選舉人為此語

工凝瓌瓚舍弟安潛朝中無呼字知聞廳裏絕脫鞞賓

客

科目舉人語

太平王崇實賢二家率以科目為
資足以升沈後進故科目舉人相

謂曰

未見王寶徒勞漫走

戲杜審權語

審權知舉放盧處權人戲語云

座主審權門生處權

崔沆放榜時人語

沆放崔灑時人語云

座主門生沆灑一家

唐末五代人語

唐末五代權臣執政公然交賂科第差除各有等差故當時語

云

及第不必讀書作官何須事業

號沈宋語

建安後訖江左詩律屢變至沈約庾信以音韻相婉附屬對精密及沈佺

期宋之問又如靡麗回忌聲病約句準篇如錦繡成文學者宗之號為沈宋語云爾舉蘇武李

陵與沈宋
短稱也

蘇李居前沈宋比肩

號錢郎語

錢起能詩與郎士元齊名語云

前有沈宋後有錢郎

潘何詩賦語

咸通中湘南何涓瀟湘賦潘緯古鏡詩天下傳之曰

潘緯十年吟古鏡何涓一夜賦瀟湘

魏薛草書語

魏徵之子叔瑜善草以筆意傳其子華及甥薛稷世稱之云

前有虞褚後有薛魏

薛稷書語

稷善書師褚河南時語云

買褚得薛不落節

時人為劉畢語

劉商官為郎中愛畫松石樹木格性高邁時有畢庶子亦善畫

松樹木石時人云

劉郎中松樹孤標畢庶子松根絕妙

時人為黃筌語

筌善寫花竹翎毛於孟昶殿畫六鶴因目其殿為六鶴殿當時

稱歎為語曰

黃筌畫鶴薛稷減價

時人為楊惠之語

惠之不知何處人唐開元中與吳道子同師張僧繇筆迹

師為畫友巧藝竝著而道子聲光獨顯惠之遂都焚筆研毅然發憤專肆塑作能奪僧繇畫相

與道子爭衡時人語曰

道子畫惠之塑奪得僧繇神筆路

道傑語

武德中蒲州栢巖寺釋道傑遊并晉講肆難擊能令人流汗并州人語曰

大頭傑難殺人

馬周疏引俚語

貧不學儉富不學奢

杜甫引俚語

城南韋杜去天尺五

孫光憲瑣言引古語

乘船走馬去死一分

好事不出門惡事行千里

杜重威引俚語

逢賊得命更望複子

建安語

成都距長安才二千里每歲隨計求名者甚鮮建安之貢無歲無之故曰

龍門一半在閩川

江陵語

江陵在唐世號衣冠藪澤時人稱云

琵琶多於飯甑措大多於鯽魚

汾晉間語

欲作千箱主問取黃金母

謂多稼厚蓄耕上所效也

秦中兒童語

顛當窠深如蚓穴網絲其中土蓋與地平大如榆莢常仰捍其蓋伺

蠅蠖過輒翻蓋捕之繞入復閉與地一色竝無絲隙可尋其形似蜘蛛爾雅謂之王蛛蝎鬼谷

子謂之蚨母秦
中兒童語曰

顛當牢守門螭螭寇汝無處奔

螭螭即螺贏街蟲
于祝之化為已子

滄洲語

滄洲有金蓮花形似蝶每微風則
搖蕩如飛婦人采為首飾鄉語曰

不戴金蓮花不得到仙家

段成式酉陽雜俎引古語

三守庚申三尺伏七守庚申七尺滅

佛書引語

停囚長智

赤脚人趁兔著鞞人喫肉

御定全唐詩卷八百七十六

欽定四庫全書薈要卷一萬八千二百八十二

集部

御定全唐詩卷八百七十七

中宗引諺

景龍三年十一月十三日乙丑冬至時有請改就十二月甲子為吉者侍

御史唐紹太史令傅孝忠引歷爭帝引諺以為不可竟從紹等議

冬至長於歲

賈言忠引諺

高宗遣李勣伐高麗侍御史賈言忠計事還帝問軍中云何言忠以

為男生兄弟閭牆為我鄉導師必克引此

軍無媒中道回

一作賊無歷底中道回

李勣引諺別張文瓘

千里相送終於一別

路勵行引諺

一人在朝百人緩帶

郝南容引諺

三公後出死狗

員莊諺

員半千莊在焦戴川北枕白鹿原蓮塘竹徑茶醮架海棠洞會景堂花塢藥畦

碾磨麻稻壟塍

麟次里諺曰

上有天堂下有員莊

婁師德引諺

卒客無卒主人

臺中諺

殿中侍御史新入知右巡已次知左巡所主繁劇及遷向上則又入推益為勞

肩惟其中間則入清閑故臺中諺云

免巡未推只得自知

宋守敬引諺

守敬清謹老任龍門丞竟益岳牧每勉人但守清勿憂不遷引此云

仕宦亦無休勢也

雙陸無休勢

雒谷諺

雒谷中有地名白草
諺洞皆難行故諺云

認洞入黃泉

三門諺

唐時漕經底柱入三門每崖平陸人為
門匠執標指麾一舟百日乃能上覆者
幾半故諺云
謂皆溺死也

古無門匠墓

張果引諺

明皇欲以玉真公主降
果先知之引此以辭

娶婦得公主平地生公府

哥舒翰引諺

初翰與安祿山素不平明皇令高力士和解之翰引此語祿山言已

與祿山族類本同不敢忘本也

狐向窟嗥不祥

代宗引諺

郭曖與昇平公主琴瑟不調父子儀拘曖待罪代宗引諺慰之

不癡不聾不作阿家阿翁

家音姑

鬼門關諺

容州北流縣南三十里有兩石對立相去三十步遷謫至此者罕得生還

俗號鬼門關唐諺云

鬼門關十人去九不還

河北諺

梁將侍中葛從周有殊功鎮青社人為語曰

山東一條葛無事莫撩撥

李振引諺

百歲奴事三歲主

王彥章引諺

人死留名豹死留皮

孫光憲北夢瑣言引諺

小舅小叔相追相逐

諺

棗子塞鼻孔懸樓閣却種
蟬鳴蛭螫喚黍種糕糜斷

甯茵事諺

鴉鳩樹上鳴意在麻子地

一作意在麻禽裏

鷓鴣諺

鷓鴣不打脚下塘

鷓鴣能沒水捕魚栖宿之處雖水深魚多未嘗犯

鹽鐵諺

唐世鹽鐵轉運使在揚州盡筦利權高賈如織天下之盛揚為首而蜀次之故

曰 諺

揚一益二

馮翊諺

馮翊朝邑縣許原下地有苦泉羊飲之肥而肉美號為沙苑細肋羊諺曰

苦泉羊洛水漿

丹徒諺

生東吳死丹徒

吳多產出可攝生自奉養丹徒土堅緊如蠟可糞

湖州里諺

唐末五代天下皆被兵獨湖州獲免其時語云

放爾生放爾命放爾湖州做百姓

益陽諺

益陽在長沙郡界去長沙三百里縣治東望時見長沙城郭人物影其土諺曰

長沙益陽一時相印

昭潭諺

昭潭山下有潛穴通洞庭水深不測諺云

昭潭無底橘州浮

江右四郡諺

筠袁贛吉腦後插筆

言好訟也

徐聞諺

徐聞縣冬耕夏收名再諺彼中諺云

欲拔貧詣徐聞

隴西諺

郎驅女驅十馬九駒安陽大角十牛九犢

謂其地宜於畜牧也

荆棺峽諺

峽壁有棺以荆為之相傳人有九子不能葬女編荆為棺度之比土人諺

云

九子不葬父一女打荆棺

南中諺

秋收稻夏收頭

謂婦人截髮而貨歲以為常也

事孤神諺

唐初以來百姓多事孤神房中祭祀以乞恩食飲與人同之事者非一主

當時有
諺曰

無狐魅不成村

李哲家怪引諺

一雞死一雞鳴

俗諺

白日無談人談人則害生昏夜無說鬼說鬼則怪至

李白名許雲封謎

雲封任城人二笛是李暮外孫天寶初生一月暮抱詣李

白乞名白方坐旗亭命酒醉書兒胃前云暮不解白曰樹下人是木子木子李字也不語是

莫言莫言暮也好是女子女子外孫也語及日
中是言午言午是許也烟霏謝成賢是雲出封
中乃是雲封也即李
暮外孫許雲封也

樹下彼何人不語真吾好語若及日中煙霏謝成賢

許氏碑陰謎

宜興縣有後漢許馘碑開元中許氏孫重立刻八字碑陰邑宰徐延

休解之曰談馬為言午許也礪畢為石卑碑也
王田乃千里重字數七乃六一立字言許碑重

也立

談馬礪畢王田數七

大明寺辭語

全狐絢鎮淮海日支使班蒙與從事俱遊大明寺寺西廊前辭有題

語諸賓幕顧之莫能辨獨班蒙曰一人豈非大
字乎二曜日月非明字乎尺一者十一寸非寺
字乎點去水水字二人相連天字不欠一邊下
字三梁四柱而烈火然無字兩日除雙勾比字
得非大明寺水天下
無比乎衆皆恍然

一人堂堂二曜同光泉深尺一點去水傍二人相連不
欠一邊三梁四柱烈火然除却雙勾兩日全

曹著與客謎

著有機辨客欲試
之與作謎云云

一物坐也坐臥也坐行也坐

客著應聲曰
在官地在私地

一物坐也臥立也臥行也臥走也臥臥也臥

客著
能對客曰

我謎吞得你
謎客大慙

客題青龍寺門

青龍寺有客嘗訪知事僧屬遇有要地朝客慢之題其門云云

一沙彌解之曰龕字去龍合字時字隱日寺字敬文不在苟字碎石入沙卒字此不遜之言辱

我曹矣追訪杳無跡沙彌乃懿皇朝雲皓供奉也

龕龍去東海時日隱西斜敬文今不在碎石入流沙

陶穀題南唐官舍壁

穀使南唐題此宋齊丘解云十二字包四字云獨眠

孤館撫遺以為驛中女鬼所書

西川狗百姓眼馬包兒御廚飯

謝小娥夢盜姓名

洪州謝小娥同其夫隨父行賈為盜所殺求盜不得夢父

及夫告以謎語十二字徧叩人不能解元和八年隴西李佐判洪州過而聞其事解之曰車中猴禾中走竝申字門東草為蘭一日夫為春盜應申蘭申春也娥依言詭為男子求得二人江上傭其家偵得已家物而驗因殺蘭并擒春告官抵法還洪州為尼

車中猴門東草禾中走一日夫

御定全唐詩卷八百七十七

欽定四庫全書薈要卷一萬八千二百八十三

集部

御定全唐詩卷八百七十八

牛口謠

豆入牛口勢不得久

竇建德未敗時有此謠後果於牛口谷為太宗所擒

高昌童謠

貞觀十四年交河道行軍大總管侯君集伐高昌滅之先是其國中有童

謠如此國王文泰使人捕其初唱者不能得也

高昌兵馬如霜雪漢家兵馬如日月日月照霜雪回首

一作
幾何
自消滅
一本無
二馬字

咸亨後謠

莫浪語阿婆嗔三叔聞時笑殺人

其驗為則天即位孝和嗣之阿婆者則天

也三叔者孝和為第三也

調露初京城民謠

側堂堂撓堂堂

堂言唐也側者不正撓者不安再言堂者唐再受命之象

嵩嶽童謠

調露中高宗欲封中嶽屬突厥叛而止後欲封吐蕃入寇復停永淳年又

幸嵩嶽至山下未及行禮遭疾還至宮而崩先是童謠云

嵩山凡幾層不畏登不得只畏不得登三度徵兵馬傍

道打騰騰

李敬玄謠

中書令李敬玄為元帥討吐蕃聞前軍沒狼狽而走王果曹懷舜等竝驚

退時軍

中謠曰

洮河李阿婆鄴州王伯母見賊不敢鬪總由曹新婦

永淳中童謠

永淳元年七月東都大雨人多殍殍先是童謠曰

新禾不入箱新麥不入場迨及八九月狗吠空垣牆

楊柳謠

楊柳楊柳漫頭駸

永淳後天下皆唱此後徐敬業出為柳州司馬作偽敕自授揚州司馬起

兵討武氏李孝逸擒
之斬首驛馬馱入洛

裴炎謠

炎為中書令時徐敬業欲反令駱賓王
畫計取炎同起事賓王乃為此謠炎訪

學者令解之賓王北面拜曰此真人矣遂與
敬業等合謀起兵炎從內應則天因誅炎

一片火两片火緋衣小兒當殿坐

武后長壽元年民間謠

則天時選舉大濫天下
有是謠舉人沈全交取

而續之御史紀先知劾其誹謗之罪太后
笑曰但使卿輩不濫何恤人言先知大慙

補闕連車載拾遺平斗量攫槌侍御史

攫一作把齊魯
謂四齒把曰攫

盃脫侍中郎

續謠

評事不讀律博士不尋章糊心宣撫使眯目聖神皇

天樞謠

一條麻索挽天樞絕去也

長壽三年天后於定陽門內立述德天樞民因作謠明皇

即位敕令推倒收銅入尚方此其驗也

武后時謠

張公喫酒李公醉

張公者斥易之兄弟也李公者言李氏也

武后時童謠

紅綠複帟長千

十一作

里萬

五一作

里猶香

神龍後烏鵲窠謠

山南烏鵲窠山北金駱駝鏹柯不鑿孔斧子不施柯

五行

志云山南唐也烏鵲窠者人居寡也山北胡也金駱駝者虜獲而重載也鏹柯斧子者言突厥疆盛百姓不得禾刈穀也

吏部謠

崔湜與岑羲鄭愔並為吏部
職汚狼藉京中為之謠曰

岑愔獠子後崔湜令公孫三人相比校莫賀吐骨渾

黃犢子謠

景龍中民謠時
又有阿韋娘歌

黃特犢子挽紉斷兩脚蹋地鞋麤斷

一本此下又有城南黃特犢子韋一

句

安樂寺童謡

可憐安樂寺了了樹頭懸

景龍中安樂公主於洛州造安樂寺制擬宮掖用錢數百

萬童謡云云後誅逆韋并殺安樂斬首懸竿上

鯉魚兒謡

可憐聖善寺身着綠毛衣牽來河裏飲蹋殺鯉魚兒

景龍

中民謡後譙王從均州入都作亂敗走投洛川而死

羊頭山謠

山在潞州南六十里景龍二年明皇為別駕臨潞州有童謠云

羊頭山北作朝堂

金橋童謠

聖人執節度金橋

橋在潞州南一里明皇於景龍三年十月二十五日由此橋朝京師

天寶中京兆謠

天寶中李峴為京兆尹甚得人會連雨六十餘日楊國忠以

其災歸咎峴出為長沙太守時京師米麥踊貴百姓為謠云

欲得米麥賤無過追李峴

一作欲粟賤追李峴

天寶初語

天寶初楊貴妃常以假髮為首飾而好服黃帚時人為之語曰

義髻拋河裏黃帚逐水流

揚氏謠

天寶十載上元節揚氏五宅夜遊與廣寧公主騎從爭西市門揚氏奴揮鞭致

公主墮馬駙馬程昌裔扶救因及數過上令決殺揚氏奴一人亦罪昌裔停官於是揚家轉橫

京師長吏為之側

目故當時謠曰

男不封侯女作妃君看女却是門楣

神雞童謠

賈昌七歲解鳥語音明皇選為雞坊五百小兒長甚愛幸之父死縣官為

奠器喪車乘傳洛陽道當時天下號神雞童為之語曰

生兒不用識文字鬪雞走馬勝讀書賈家小兒年十三

富貴榮華代不如能令金距期勝負白羅繡衫隨輓輿
父死長安千里外差夫治道輓喪車

燕燕謠

安祿山未反
時有此二謠

燕燕飛上天天上女兒鋪白氈氈上有千錢

幽州謠

舊來誇戴竿今日不堪看但看五月裏清水河邊見契

丹

青瑣高議又載一謠云山上
一羣鹿大鹿來相逐帝
殺澗下羊却被豬兒觸

兩京童謠

不怕上蘭單惟愁荅辨難無錢求案典生死任都官

天寶

逆胡之亂士庶多投身於胡庭先是兩京童謡有此後克復之日朝士繫三司獄鞠問家產罄盡骨肉分散生路死無

兩頭朱童謡

一隻箸兩頭朱五六月化為膽

此為朱泚謡也後果於六月兵敗而死

打麥謡

打麥麥打三三三

既而旋其袖曰

舞了也

元和九年六月三日盜殺宰相武元衡先

是長安中有此謡解者以為打麥刈麥時也麥打謂暗中突擊也三三三謂六月三日也舞了謂元衡死也

張權輿作喪度偽謠

長慶中度為李逢吉所構罷相敬宗立欲復用之逢

吉大懼其黨張權輿作偽謠欲以傾度天子明其誣卒相度

緋衣小兒坦其腹天上有口被驅逐

馬僕射謠

齋鐘動也和尚不上堂

馬僕射既立功業頗有陶侃之志客有揚其意者先著此謠於

軍中因託言善相者云公相非人臣豈不聞謠乎和尚之名齋鐘動謂時至不上堂不自取也馬因具寶物直數千萬令通田悅為用客一去不知所之馬始悔焉

咸通七年童謠

草青青被嚴霜鵲始巢復看顛狂

咸通十四年成都謠

咸通癸巳出無所之蛇去馬來道路稍開頭無片瓦地

有殘灰

是歲歲陰在巳明年
在午巳蛇也午馬也

乾符六年童謠

八月無霜塞草青將軍騎馬出空城漢家天子西巡狩
猶向江東更索兵

僖宗時童謠

金色蝦蟇爭努眼
翻却曹州天下反

王仙芝反於曹州
黃巢繼之此謠之

應

黃巢軍中謠

逢儒則肉師必覆

初巢軍中有此謠巢入閩
得民始稱儒者皆釋之

中和初童謠

黃巢走泰山
東死在翁家翁

黃巢未敗前有此謠後敗
走至泰山狼虎谷為其下

所殺其死處
民家果姓翁

山陰老人偽謠

董昌時有山陰縣老人偽上言
曰願大皇帝於越三十年前已

聞謠言故來獻昌得
之大喜因僭偽號

欲識聖人姓千里草青青欲識聖人名日從日上生

胡楚賓謠

唐秋浦詩人有胡楚賓顧雲張喬伍喬殷文圭諸人楚賓文思甚敏必酒

中下筆當時有謠云

胡楚賓李翰林詞同三峡水字值雙南金

後唐軍士謠

除去菩薩扶立生鐵

洛王之入洛許賞軍士人錢百緡後不能給賞錢二十緡軍士猶怨

望乃為此謠以閔帝仁弱洛王則嚴有悔心故也

周顯德中齊州謠

蹋陽春人間二月雨和塵陽春蹋盡西風起腸斷人間

白髮人

天祐中江南童謠

東海鯉魚飛上天

李昇初為徐溫養子冒徐姓名知誥後繼溫為南唐東海徐氏之望鯉李

也

真人謠

唐末民間有此謠元宗因名其子為弘冀以應之

有一真人在冀川開口持弓向外邊

一本此下又有子孫孫萬萬年一

句

李後主童謠

索得娘來忘却家，後園桃李不生花。
豬兒狗兒都死盡，

養得貓兒患赤瘕。

南唐近事解此謠云：娘謂李主再娶周后，豬狗死謂祚盡。戊亥年赤瘕目

病貓有目病則不能捕鼠，謂不見丙子之年也。

秦人竹籥謠

籥籥引黑牛，天差不自由。
但看戊寅歲，揚在蜀江頭。

氏王

見聞云：竹籥食竹之鼠肉，肥脆生深山竹林，無人境。岐梁睚眦之年，此物徧入人家房內。秦人口腹，飫馬忽有。

童謡云云智者不能識之庚午歲梁劉知俊叛梁入秦
岐王以為涇州節度知俊為人色黑而其生歲在丑猶
者劉也始知猶猶引黑牛之應後奔蜀王建用之令反
攻岐有功竟忌而殺之歲戊寅建不豫見劉為祟因粉
劉骨投之江其言揚
在蜀江頭亦驗云

蜀人謡

建陰忌劉知俊材蜀人亦共嫉之建諸
子皆以宗承為名乃於里巷構為謡言
云云建慮為子孫害
益惡之故殺知俊

黑牛無繫絆梭繩一時斷

一作黑牛出
圈梭繩斷

秦城芭蕉謡

花開來裏花謝也裏

天水地寒不產芭蕉戎帥亭臺有
二本入冬即埋藏於地窟候春再

植之庚午辛未間有童謠云云時節氣變而不寒芭蕉
花開蜀人犯封疆年年一來不失芭蕉開謝之候自隴
之西竟為蜀有益釵外
節氣先布於秦城也

蜀童謠

我有一帖藥其名曰阿魏賣與十八子

蜀王行時有此謠
乾德末行兒

宗弼果賣國歸唐而宗弼乃
王建養子本姓魏氏皆驗

蜀中掃地和尚

水行仙怕秦川

王建據蜀之後有一僧常持大帚每過
即汎掃人以掃地和尚目之掃畢輒寫

二語其後王行果有秦
川之禍水行仙衍字也

福州謠

騎馬來騎馬去

王潮以光啟二年丙午拜泉州刺史至晉開運二年丙午南唐滅王氏謠之驗

也

閩人謠

風吹楊菜鼓山下不得錢郎戈不罷

王審知時有此謠後延羲延政兄弟

相攻國中大亂忠獻王錢佐時年十九遣兵伐之敗淮將楊業蔡過等盡取福州之地鼓山福州山名

廣州童謠

羊頭二四白天雨至

後宋師以辛未年二月四日平南漢羊未之神天雨者主師如時雨

之義

桂管童謠

大蟲來

湖南馬殷命其將李勳擊南越拔桂管十八城
勳勇壯絕倫號曰李老虎先是桂管兒童每聚

戲呼大蟲來

至是果應

湖南童謠

湖南城郭好長街
竟栽柳樹不栽槐
百姓奔竄無一事

只是推芒織草鞋

初馬氏城中街道多種槐樹柳無一
二希芻逐希廣自代之初皆變為種

柳無復有槐又居人夜織草鞋槌芒聲聞郊野俄有童
謠四句人無少長皆誦之未幾國亂民竄死者十七八



槐言懷兄弟尋戈失孔懷之義草
鞋遠行所用言百姓之奔竄也

長沙童謠

鞭打馬馬急

一作須

走

楚王馬希萼為其弟希崇所篡希萼於衡山自立為王希崇求救於

吳吳遣將邊鎬來伐希崇將拒之或以童謠為諫不得已降鎬馬氏遂舉族入吳

湘中童謠

馬去不用鞭
齧牙過今年

江南將邊鎬下長沙既遷馬氏之族朗州衙將劉言復為

亂襲鎬鎬遁歸
謠言鞭邊也

長沙童謠

三羊五馬馬子離羣羊子無舍

或問龐巨昭湖南與淮南國祚長短巨昭曰吾

入長沙聞童謠云云自今以後馬氏當五主楊氏當三主後皆如其言

丹陽語

待錢來待錢來

丹陽民常有此戲語後錢鏐授鎮帥潤州刺史遂據有錢塘乃其應也

遼述律后謠

青牛嫗曾避路

遼太祖后述律氏生而有雄畧嘗至遼土二河之會有女子乘青牛車倉卒避

路忽不見未幾童謠云云諺謂地祇為青牛嫗後果配太祖稱地皇后云

御定全唐詩卷八百七十八

欽定四庫全書薈要卷一萬八千二百八十四

集部

御定全唐詩卷八百七十九

招手令

亞其虎膺

謂手掌

曲其松根

謂指節

以蹲鴟間虎膺之下

蹲

大指也

以鈎戟差玉柱之旁

鈎戟頭指玉柱中指也

潛蚪闊玉柱三

分潛蚪無名指也

奇兵闊潛蚪一寸

奇兵小指也

死其三洛

謂搔其腕也

生其五峰

通呼五指也

打令口號

送搖招由三方一圓分成四片送在搖前

龍朔中酒令

龍朔已來百姓飲酒作令云云俗謂杯盤為子母又名盤為臺自後

廬陵從均州子母相去離也連臺拗倒者則天被廢諸武還放之兆

子母相去離連臺拗倒

沈亞之

亞之嘗客遊為小輩所試曰某改令書俗各兩句亞之答云云

伐木丁丁鳥鳴嚶嚶東行西行遇飯遇羹人

如切如磋如琢如磨欺客打婦不當婁羅亞之

令狐楚顧非熊

楚與非熊飲知其捷辨改一字令試之楚大奇焉

水裏取一鼉岸上取一駝將者駝來馱者鼉是為駝馱

鼉
楚

屋裏取一鴿水裏取一蛤將者鴿來合者蛤是謂鴿合

蛤
非熊

張祐

令狐絢鎮維揚祐嘗預狎燕因熟視祐改令祐荅云云

上水船風大急帆下人須好立
絢

上水船船底破好看客莫倚柁
祐

盧發

白敏中鎮荆南杜蘊廉問長沙發為從事致聘馬酒酣傲睨白公不懌改令盧荅云

云公極
歡而罷

十姓胡中第六胡也曾金闕掌洪爐少年從事誇門第

莫向尊前氣色粗

白

十姓胡中第六胡文章官職勝崔盧暫來關外分優寄

不稱賓筵語氣粗

發

沈詢

詢吳人會昌進士第咸通中為昭義節度
嘗宴府中賓友改令歌此詢有嬖妾妻以

配內豎歸秦而仍留侍內秦恥
恨同宴罷殺詢夫妻如所歌也

莫打南來雁從他向北飛打時雙打取莫遣兩分離

姚巖傑

巖傑投歛州盧肇肇知其使酒敬待之巖傑日肆傲睨肇漸不樂會於江亭肇

改令目前取一聯云云巖傑遽飲一器凭闌嘔喊遂續之

遙望漁舟不闊尺八肇

憑闌一嘔已覺空喉

巖傑

裴勛父子

勛容貌么麼性尤率易嘗從其父坦飲客坦飛醜屬人勛輒言狀坦付醜

罰之勛亦答醜云云坦怒而答之

姓人饒舌破車饒楔

父屬醜云裴勛飲十分

蝙蝠不自見笑他梁上燕

勛復父醜云十一郎亦飲十分

方干李主簿改令

方干姿態山野性好凌侮人有龍丘李主簿者偶於知聞

處見干與之傳杯龍丘目有翳干改令以譏之干缺脣性嗜鮓李荅云云一座大笑

措大喫酒點鹽將軍喫酒點醬只見門外著籬未見眼

中安鄣

方

措大喫酒點鹽下人喫酒點鮓只見半臂著襖不見口

脣開袴

李

高駢薛濤

駢鎮成都令酒佐薛濤改一字今日須得一字象形又須逐韻

口有似沒量斗

駢沒量一作無梁

川有似三條椽

濤 高公云奈一條曲何濤曰相公為西川節度使尚使一沒量斗至於窮酒

佐三條椽止有一條曲又何足怪

南唐烈祖酒令

初李昇蓄異志欲有江南雪天會昇察宋齊丘徐融等出令借

雪取古人名以諷之惟齊丘叶音融意欲挫昇昇大怒收而投之江

雪下紛紛便是白起

烈祖

著履過街必須雍齒

齊丘

明朝日出爭奈蕭何

融

吳越王與陶穀酒令

穀使吳越共舉酒令云云

白玉石碧波亭上迎仙客

王

口耳王聖明天子要錢塘

殺

附

夷陵女郎鬼

唐夷陵有女郎即鬼行酒令迷賀若弼造此弄長孫鸞鸞年老無髮而

口吃故

云云

鸞老頭腦好好頭腦鸞老

御定全唐詩卷八百七十九

欽定四庫全書蒼要卷一萬八千二百八十五

集部

御定全唐詩卷八百八十

城陽公主卜繇

太宗女城陽公主初降薛瓘帝卜得繇云云占者請晝婚為吉

帝不從後主坐巫蠱同瓘徙房州咸亨中同辛果以雙樞還京云

二火皆食始同榮末同戚

馮存澄為明皇占

明皇初為臨淄王欲平逆韋之禍與道士馮存澄占卦初

得合因再得斬闕三得鑄印乘軒存澄曰此帝所以勝炎帝也其詞云云明皇掩其口使勿

言後舉

事果驗

合因斬關鑄印乘軒始當果斷終得嗣天

錢知微卜賣天津橋

知微天寶末術士嘗至洛居天津橋賣卜云一卦須

帛十足有貴公子意其必異取帛如數詣卜卦成曰君何戲焉為韻語云云其人本意賣天津

橋給之其精如此

兩頭點土中心虛懸人足踏跋不冒下錢

王山人為李衛公按冥

李衛公為并州從事有王山人者請謁自稱善

按冥公備几案紙筆香水與山人偕坐以俟頃之紙上書八字甚大曰

位極人臣壽六十四

鍾傳客占歷日包橘

傳領江西日客有以覆射之法求見傳以歷日包橘

置袖中令射客云

太歲當頭坐諸神不敢當其中有一物常帶洞庭香

馬重績占隨卦繇辭

重績明於數術晉高祖時為司天監張從賓反命益

之遇隨重績語其繇云歲將秋矣無能為也七月而從賓果敗

南瞻析木木不自續虛而動之動隨其覆

方龜精為錢元懿卜詞

元懿武肅王第五子貞明中自新定判東陽累

奏授賓睦二州刺史金華郡王終年六十六和元懿之為新定有卜士方氏時人號為龜精常

數卜以貽元懿
至是果如其言

太乙接天河金華寶貝多郡侯六十六別處不經過

葉簡占失牛

吳越時有葉簡者剡人也善卜筮凡有盜賊皆知其姓名射覆無不

奇中

占失牛已被家邊載上州欲知賊姓一斤求欲知賊名

十干頭

果鄰人丘甲盜之

又射覆橘子

圓似珠色如丹儻能擘破同分喫爭不慙媿洞庭山

射覆巾子

近來好裏束各自競尖新秤無三五兩因何號一斤

射覆二雞子

此物不難知一雄兼一雌誰將打破看方明混沌時

天衝星占

天祐元年四月有星狀如人首赤身黑在北斗下紫微中後三日黑風晦

冥其星蓋天衝也占曰

天衝抱極泣帝前血濁霧下天下冤

占月語

月如彎弓少雨多風月如仰瓦不求自下

占雨

乾星照溼土明日依舊雨

雲行西星照泥

朝霞不出門暮霞行千里

云朝霞雨暮霞晴也

天將雨鳩逐婦

埤雅云鷓鴣陰則屏逐其雌晴則呼而返之令人辨其聲以為無屋住也

占四時甲子雨

春雨甲子赤地千里夏雨甲子乘船入市秋雨甲子未

頭生耳冬雨甲子牛羊凍死鵲巢下地其年大水

占年

西北人
諺也

要見麥見三白

正月三白田公笑赫赫

樹稼諺

開元二十九年冬京城寒甚凝霜封樹
春秋雨木冰即此亦名樹介言像介冑

也俗又謂之樹稼寧王憲見此
自歎必死引諺云云後果薨

樹稼達官怕

相書語

張璟藏論婦
人相引此

目有四白五夫守宅

葬書語

葬壓龍角其棺必斫

書生相郝處俊葬地

朱雀和鳴子孫盛榮

朱雀悲哀棺中見灰

英公徐勣卜葬得前繇張璟藏曰非也此所謂朱雀悲哀棺中見灰

後果斫棺焚屍

安龍頭枕龍角不三年自消鑠

張約相崔吳墓

安龍頭枕龍耳不三年萬乘至

吳遺言後明皇微行至墓所吳言驗而約言

不驗

陰陽書語

張鷟故宅有桑高四五丈無故枯死
尋而祖亡陰陽書所云此其驗也

喬木先枯衆子必孤

本草采萍時日歌

唐高供
奉作

不在山不在岸采我之時七月半選甚癰風與緩風些
小微風都不算豆淋酒內下三丸鐵幘頭上也出汗

和劑方補骨脂丸方詩

宣宗朝太尉張壽知廣
州得補骨脂丸方於南

蕃人服之驗為詩紀之補骨脂神農本草不載
生廣南諸州及海外諸國哀年陽氣衰絕力能

補之

三年時節向邊隅
人信方知藥力殊
奪得春光來在手
青娥休笑白髭鬚

李廷珪藏墨訣

墨譜 廷珪精於製墨本姓
奚從易水徙居南唐賜國姓

贈爾烏玉玦
泉清研須潔
避暑懸葛囊
臨風度梅月

御定全唐詩卷八百八十

欽定四庫全書蒼薈要卷一萬八千二百八十六

集部

御定全唐詩卷八百八十一

李翰

唐末五代人

蒙求

王戎簡要裴楷清通孔明臥龍呂望非熊楊震關西丁
寬易東謝安高潔王導公忠匡衡鑿壁孫敬閉戶邳都
蒼鷹甯成乳虎周嵩狼抗梁冀跋扈郗超髯參王珣短
簿伏波標柱博望尋河李陵初詩田橫感歌武仲不休

士衡患多桓譚非讖王商止訛嵇呂命駕程孔傾蓋劇
孟一敵周處三害胡廣補闕袁安倚賴黃霸政殊梁習
治最墨子悲絲楊朱泣岐朱博烏集蕭芝雉隨杜后生
齒靈王出髭賈誼忌鵬莊周畏犧燕昭築臺鄭莊置驛
瑾靖二妙岳湛連璧郗詵一枝戴馮重席鄒陽長裾王
符逢掖鳴鶴日下士龍雲間晉宣狼顧漢祖龍顏鮑靚
記井羊祜識環仲容青雲叔夜玉山毛義捧檄子路負
米江革忠孝王覽友第蕭何定律叔孫制禮葛豐刺舉

息躬歷詆管寧割席和嶠專車時苗留犢羊續懸魚樊
噲排闥辛毘引裾孫楚漱石郝隆曬書枚舉詣闕充國
自贊王衍風鑑許劭月旦賀循儒宗孫綽才冠太叔辨
洽摯仲辭翰山濤識量毛玠公方袁盎却座衛瓘撫牀
于公高門曹參趣裝庶女振風郗衍降霜范丹生塵晏
嬰脫粟詰汾興魏鼈靈王蜀不疑誣金卞和泣玉檀卿
沐猴謝尚鳩鵲秦初日月季野陽秋荀陳德星李郭仙
舟王忱繡被張氏銅鈎丁公遽戮雍齒先侯陳雷膠漆

范張雞黍周侯山嶷會稽霞舉季布一諾阮瞻三語郭
文游山袁宏泊渚黃琬對日秦宓論天孟軻養素揚雄
草玄向秀聞笛伯牙絕弦郭槐自屈南郡猶憐魯恭馴
雉宋均去獸廣客蚊影殷師牛鬪元禮模楷季彥領袖
魯褒錢神崔烈銅臭梁竦廟食趙溫雄飛枚乘蒲輪鄭
均白衣陵母伏劔軻親斲機齊后破環謝女解圍鑿齒
尺牘荀勗音律胡威推縑陸績懷橘羅含吞鳥江淹夢
筆李廡清貞劉麟高率蔣詡三徑許由一瓢楊僕移闕

杜預建橋壽王議鼎杜林駁堯西施捧心孫壽折腰靈
輒扶輪魏顆結草逸少傾寫平子絕倒澹臺毀壁子罕
辭寶東平為善司馬稱好公超霧市魯般雲梯田單火
牛江迤熟雞蔡裔殞盜張遼止啼陳平多轍李廣成蹊
陳遵投轄山簡倒載淵客泣珠交甫解佩龔勝不屈孫
寶自劾呂安題鳳子猷訪戴董宣彊項翟璜直言紀昌
貫蝨養由號猿馮衍歸里張昭塞門蘇韶鬼靈盧充幽
婚震畏四知秉去三惑柳下直道叔敖陰德張湯巧詆

杜周深刻三王尹京二鮑糾慝孫康映雪車肩聚螢李
充四部井春五經谷永筆札顧愷丹青戴逵破琴謝敷
應星阮宣杖頭畢卓甕下文伯羞鼈孟宗寄鮓史丹青
蒲張湛白馬隱之感鄰王修輟社阮放八雋江泉四凶
華歆忤旨陳羣威容王濬懸刀丁固生松姜維膽斗盧
植音鐘桓溫奇骨鄧艾大志楊修捷對羅友默記杜康
造酒蒼頡制字樗里智囊邊韶經筍滕公佳城王果石
崖買妻恥醮澤室犯齋馬后大練孟光荆釵顏叔秉燭

宋弘不諧鄧通銅山郭況金穴秦彭攀轅侯霸臥轍淳

于炙輟彥國吐屑太真玉臺武子金埒巫馬戴星宓賤

彈琴郝廉留錢雷義送金逢萌挂冠胡昭投簪王喬雙

鳧華佗五禽程邈隸書史籀大篆王承魚盜丙吉牛喘

賈琮褰帷郭賀露冕馮媛當熊班女辭輦王充閱市董

生下帷平叔傅粉弘治凝脂楊生黃雀毛子白龜宿瘤

采桑漆室憂葵韋賢滿籬夏侯拾芥阮簡曠達袁耽俊

邁蘇武持節鄭衆不拜郭巨將坑董永自賣仲連蹈海

范蠡泛湖文寶緝柳溫舒截蒲伯道無兒嵇紹不孤綠
珠墜樓文君當壚伊尹負鼎甯戚叩角趙壹坎壈顏駟
蹇剝龔遂勸農文翁興學晏御揚揚五鹿嶽嶽蕭朱結
綬王貢彈冠龐統展驥仇覽栖鸞葛亮顧廬韓信升壇
王褒拍慘閔損衣單蒙恬製筆蔡倫造紙孔伋緼袍祭
遵布被周公握髮蔡邕倒屣王敦傾室紀瞻出妓暴勝
持斧張綱埋輪靈運曲笠林宗折巾屈原澤畔漁父江
濱魏勃掃門潘岳望塵京房推律翼奉觀性甘寧奢侈

陸凱貴盛干木富義於陵辭聘元凱傳癖伯英草聖馮
異大樹千秋小車漂母進食孫鍾設瓜壺公謫天薊訓
歷家劉玄刮席晉惠聞墓伊籍一拜鄴生長揖馬安四
至應璩三入郭解借交朱家脫急虞延剋期盛吉垂泣
豫讓吞炭鉏麋觸槐阮孚蠟屐祖約好財初平起石左
慈擲杯武陵桃源劉阮天台王儉墜車褚淵落水季倫
錦幃春申珠履甄后出拜劉楨平視胡嬪爭携晉武傷
指石慶數馬孔光溫樹翟湯隱操許詢勝具優旃滑稽

落下歷數曼容自免子平畢娶師曠清耳離婁明目仲
文照鏡臨江折軸樂巴啜酒偃師舞木德潤傭書君平
賣卜叔寶玉潤彥輔冰清衛后髮鬢飛燕體輕玄石沈
酒劉伶解醒趙勝謝覽楚莊絕纓惡來多力飛廉善走
趙孟疵面田駢天口張憑理窟褒顏談藪仲宣獨步子
建八斗廣漢鈎距弘羊心計衛青拜幕去病辭第酈寄
賣友紀信詐帝濟叔不癡周兄無慧虞卿擔簦蘇章負
笈南風擲孕商受斲涉廣德從橋君章拒獵應奉五行

安世三篋相如題柱終軍棄繻孫晨橐席原憲桑樞端
木辭金鍾離委珠季札挂劍徐穉致芻朱雲折檻申屠
斷鞅衛玠羊車王恭鶴氅管仲隨馬蒼舒稱象丁蘭刻
木伯瑜泣杖陳逵豪爽田方簡傲黃向訪主陳寔遺盜
龐儉鑿井陰方祀竈韓壽竊香王濛市帽句踐投醪陸
抗嘗藥孔愉放龜張顥墮鵲田豫儉素李恂清約義縱
攻剽周陽暴虐孟陽擲瓦賈氏如臯顏回簞瓢仲蔚蓬
蒿糜竺收資桓景登高雷煥送劍呂虔佩刀老萊斑衣

黃香扇枕王祥守柩蔡順分樵淮南食時左思十稔劉
惔傾釀孝伯痛飲女媧補天長房縮地季珪士首長孺
國器陸玩無人賈誦非次何晏神伏郭奕心醉常林帶
經高鳳漂麥孟嘉落帽庾凱隨幘龍逢板出張華台坼
董奉活燮扁鵲起號寇恂借一何武去思韓子孤憤梁
鴻五噫蔡琰辨琴王粲覆棊西門投巫何謙焚祠孟嘗
還珠劉昆反火姜肱共被孔融讓果端康相代亮陟隔
坐趙倫鷓怪梁孝牛禍桓典避馬王尊叱馭鼉錯峭直


趙禹廉倨亮遺巾幘備失七箸張翰適意陶潛歸去魏
儲南館漢相東閣楚元置醴陳蕃下榻廣利泉湧王霸
冰合孔融坐滿鄭崇門雜張堪折轅周鎮漏船郭伋竹
馬劉寬蒲鞭許史侯盛韋平相延雍伯種玉黃尋飛錢
王允千里黃憲萬頃虞驥才望戴淵鋒穎史魚黜殯子
囊城郢戴封積薪耿恭拜井汲黯開倉馮驩折券齊景
駟千何曾食萬顧榮錫炙田文比飯稚珪蛙鳴彥倫鶴
怨廉頗負荆須賈擢髮孔翊絕書申嘉私謁淵明把菊

真長望月子房取履釋之結韞郭丹約關祖逖誓江賈
逵問事許慎無雙婁敬和親白起坑降蕭史鳳臺宋宗
雞窻王陽囊衣馬援蕙以劉整交質五倫十起張敞畫
眉謝鯤折齒盛彥感螬姜詩躍鯉宗資主諾成璿坐嘯
伯成辭耕嚴陵去釣董遇三餘譙周獨笑將閭仰天王
凌呼廟二疏散金陸賈分橐慈明八龍禰衡一鶚不占
隕車子雲投閣魏舒堂堂周舍諤諤無鹽如漆姑射若
冰邾子投火王思怒蠅符朗阜白易牙淄澠周勃織薄

一作
畚非

灌嬰販繒馬良白眉阮籍青眼黥布開闢張良燒
棧陳遺飯感陶侃酒限楚昭萍實束皙竹簡曼倩三冬
陳思七步劉寵一錢廉范五袴汜毓字孤都鑿吐哺苟
弟轉酷嚴母埽墓洪喬擲水陳泰挂壁王述忿狷荀粲
惑溺宋女愈謹敬姜猶績鮑照篇翰陳琳書檄浩浩萬
古不可備甄斐繁撫華爾曹勉旃

御定全唐詩卷八百八十一



總校官庶吉士 臣張能照

校對官中書 臣張 頊

謄錄監生 臣左 詢

欽定四庫全書薈要

集部

御定全唐詩卷八百八十四

二至

詳校官原任主事臣李斯咏



欽定四庫全書薈要卷一萬八千二百八十七

集部

御定全唐詩卷八百八十二

補遺一

褚亮詩一

首

宗廟九德之歌辭

第七句第十三句各缺一字

皇祖誕慶於昭于天積德斯遠茂攸緒先維文應歷神

武弘宣肇迹水成功坂泉道光覆載聲穆吉先式備

犧象用牲牲禮終九獻樂展四懸神貺景福遐哉永

年

陳叔達

詩一首

太廟裸地歌辭

清廟既裸鬱壘推禮大哉孝思嚴恭祖禰龍衮以祭鸞
刀思啟發德朱弦升歌丹陛遥享粢盛堂斟况齊降福
穰穰來儀濟濟

王績

詩一首

堦前石竹

上天布甘雨萬物咸均平自顧微且賤亦得蒙滋榮萋

萋結綠枝煜煜垂朱英常恐零露降不得全其生歎息
聊自思此生豈我情昔我未生時誰者令我萌棄置勿
重陳委化何所營

崔善為

詩一
首

九月九日

九日重陽節三秋季月殘菊花催晚氣萸房辟早寒霜
濃鷹擊遠霧重雁飛難誰憶龍山外蕭條邊興闌

許敬宗

詩二
首

奉和九月九日應制

爽氣申時豫臨秋肆武功太液榮光發曾城佳氣融紫
霄寒暑麗黃山極望通講藝遵先軌覩德暢宸衷鷺嶺
飛夏服娥魄亂雕弓汗浹流赭塵生埽散紅飲羽驚
開石中葉遽凋叢雁殫雲路靜烏墜日輪空九流參廣
宴萬寓抃恩隆

奉和守歲應制

玉琯移玄序金奏賞彤闈祥鸞歌裏轉春燕舞前歸壽

爵傳三禮燈枝麗九微運廣薰風積恩深湛露晞送寒
終此夜延宴待晨暉

盧照隣

詩一
首

凌晨

日掩鴻都夕河低亂箭移蟲飛明月戶鵲繞落花枝蘭
襟帳北壑玉匣鼓文漪聞有啼鶯處暗幄曉雲披

宋之問

詩二
首

登北固山

京鎮周天險東南作北關埭橫江曲路戍入海中山望
越心初切思秦鬢已斑空憐上林雁朝夕待春還

陪羣公登箕山賦得羣字

許由去已遠冥莫見幽墳世薄人不貴茲山唯白雲寧
知三千歲復有堯為君時佐激頽俗登箕挹清芬高節
雖旦暮邈與洪崖羣

蘇頲詩二
首

人日兼立春小園宴

黃山積高次表裏望京邑白日最靈朝登攀盡原隰年
灰律象動陽氣開迎入煙靄長薄含臨流小溪澀賓朋
莫我棄詞賦當春立更與韶物期不孤東園集

和黃門舅十五夜作

聞君陌上來歌管沸相催孤月連明照千燈合暗開寶
裝遊騎出香繞看車迴獨有歸閒意春庭伴落梅

薛曜詩三首

登綿州富樂山別李道士策

珠闕崑山遠，銀宮漲海懸。
送君從此路，城郭幾千年。
雲霧含丹景，桑麻覆細田。
笙歌未盡曲，風馭獨泠然。

九城尋山水

菊浦桃源瞰九城，鸞歌鳳嘯忽將迎。
千巖雜樹雲霞色，百道流泉風雨聲。
上客由來軒蓋重，幽人自覺薜蘿輕。
疑是昔年棲息地，山中日暮有餘情。

邛山古意

昔掩佳城路，曾驚壑易遷。
今接宜都里，翻疑海作田。
鏤

鼎名應大生金字不傳風
颯吹白日羅綺拭黃泉
象鳳笙留國成龍劍上天
長樂移新壘咸陽失舊阡
川流徒漫漫神理竟綿綿
佇見飛來鶴沈嗟不學仙

李懷遠

詩一首

鳳閣南廳槐樹半生死
雖遇陽和終呈枯朽託
根清禁頗覺非宜感物緣
情率爾為詠

庭槐歲月深半死尚抽心
葉少寧障日枝疎不礙禽
帷幄諒無取棟梁非所任
媿在龍樓側羞處鳳池陰
未能

辭雨露猶得款衣簪惜悲生意盡空餘古木吟

趙彥伯

詩一首

和九月九日登慈恩寺浮圖應制

出豫垂佳節憑高陟梵宮
皇心滿塵界佛迹現虛空
日月宜長壽天人得大通
喜聞題寶偈受記莫由同

喬備

詩一首

秋夜巫山

巫峽裴回雨陽臺淡蕩雲
江山空窈窕朝暮自紛氳

色寒秋露猿啼清夜聞誰憐夢魂遠腸斷思紛紛

孫逖

詩一首

晦日與盧舍人同詣補闕城南林園

第六句缺一字

芳年正月晦假日早朝迴欲盡三春賞還欽二阮才柳
迎郊騎入花近庭開宛是人寰外真情寓物來

盧象

詩一首

贈劉藍田

一作王維詩

籬中犬迎吠出屋候柴扉歲晏輸井稅山村人暮歸晚

田始家食餘布成我衣對此能無事勞君問是非

劉長卿

詩一首

清明日青龍寺上方

字得多

上方偏可適季月況堪過遠近人都至東西山色多夕陽留逕草新葉變庭柯已度清明節春愁如客何

蕭穎士

詩三首

羽山

九山方蕩滴三考佇良材夏祖何屯圯遷殛此山隈空

餘下泉客誰復辨黃能

遊馬耳山

茲山表東服遠近瞻其名合沓盡溟漲渾渾連太清我
來疑初伏幽路無炎精流水出溪盡覆蘿搖風輕高深
變氣候俯仰暮天晴入谷煙雨潤登崖雲日明乾坤正
含養種植總滋榮草樹皆秀色離靡亂新聲攀巖挹桂
髓洞穴拾瑤英此地隱微逕何人得長生宿心尚葛許
彌願棲蓬瀛太息宦名路遲迴忠孝情還丹昧遠術養

素慚幽貞安得從此去悠然昇玉京

趙載同遊焦湖夜歸作

題缺三字
詩缺八字

將澤國溯騰向淮甸東江輸大江別流從此縣仙

尉俯勝境輕橈恣遊行自公暇有餘微尚得所願拈引
間翰墨風流盡歡宴稍移并邑間始悅登眺便遙岫逢
應接連塘乍迴轉劃然氣象分萬頃行可見波中峰一
點雲際帆千片浩歎無端涯孰知蘊虛變往遊信不厭
畢景方未還蘭 煙靄裏延緣蒲稗間勢隨風潮遠心

與
閒迴見出浦月雄光射東關悠然蓬壺事

衰顏安得傲吏隱彌年寓茲山

王翰
詩一首

龍興觀金籙建醮

景龍二年
末句缺三字

泰山巖巖兮凌紫氛中有羣仙兮乘白雲陳金薦璧兮

張鼎
詩一首

山中松

枝聳碧雲端根侵薛壁盤幾經良匠顧猶作散材看雪
積花開少風多子落乾空存後凋色歲晚出林巒

李白

詩一首

庭前晚花開

西王母桃種我家三千陽春始一花結實苦遲為人笑
攀折唧唧長咨嗟

杜甫

詩一首

漢州王大錄事宅作

南溪老病客相見下肩輿近髮看烏帽催尊煮白魚宅
中平岼水身外滿牀書憶爾才名叔含悽意有餘

皇甫冉

詩七
首

田家作

臥見高原燒間尋空谷泉土膏消臘後麥隴發春前藥
驗桐君錄心齊莊子篇荒村三數處衰柳百餘年好就
山僧去時過野舍眠汲流寧厭遠卜地本求偏向子諳
樵路陶家置黍田雪峰明晚景風雁急寒天且復冠名

鷓鴣寧知冕戴蟬問津夫子倦荷蓀丈人賢顧物皆從爾
求心正儻然嵇康嬾慢性祇自戀風煙

寄劉方平

十年不出蹊林中一朝結束甘從戎嚴子持竿心寂歷
寥落荒籬遮舊宅終日碧湍聲自喧暮秋黃菊花誰摘
每望南峰如對君昨來不見多黃雲石徑幽人何所在
玉泉疎鐘時獨聞與君從來同語默豈是悠悠但相識
天畔三秋空復情袖中一字無由得世人易合復易離

故交棄置求新知歎息青青長不改歲寒霜雪貞松枝
和中丞奉使承恩還終南舊居

軒車尋舊隱賓從滿郊園蕭散煙霞興殷勤故老言謝
公山不改陶令菊猶存苔蘚侵垂釣松篁長閉門風霜
清吏事江海諭君恩祇召趨宣室沈冥在一論

送令狐明府

行當臘候晚共惜歲陰殘聞道巴山遠如何蜀路難荒
林藏積雪亂石起驚湍君有親人術應令勞者安

同韓給事觀畢給事畫松石

海嶠微茫那得到楚關迢遞心空憶夕郎善畫巖間松
遠意幽姿此何極千條萬葉紛異狀虎伏螭盤爭勁力
扶疎半映晚天青凝澹全和曙雲黑煙籠月照安可道
雨濕風吹未曾息能將積雪辨晴光每與連峰作寒色
龍樓不競繁花吐騎省偏宜遙夜直羅浮道士訪移來
少室山僧舊應識掖垣深沈晝無事終日亭亭在人側
古槐衰柳寧足論還對呆愚列行植

送從姪棲閣律師

能知出世法，詎有在家心。
南院開門送，東山策杖尋。
經年期故里，及夏到空林。
念遠長勞望，朝朝草色深。

舟中送李觀

江南近別亦依依，山晚川長客伴稀。
獨坐相思計行日，出門臨水望君歸。

張彪詩一首

勅移橘栽

南橘北為枳古來豈虛言徙植期不變陰陽感君恩枝
條皆宛然本土封其根及時望栽種萬里繞花園滋味
豈聖心實以憂黎元暫勞致力重永感貢獻煩是嗟草
木類稟異於乾坤願為王母桃千歲奉至尊

御定全唐詩卷八百八十二

欽定四庫全書蒼要卷一萬八千二百八十八

集部

御定全唐詩卷八百八十三

補遺二

嚴維詩一

首

晚霽登王六東閣

試上江樓望初逢山雨晴連空青嶂合向晚白雲生俊
美要殊觀蕭條見遠情情來不可極日暮水流清

顧況詩四

首

曲龍山歌

曲龍丈人冠藕花其顏色映光明砂玉繩金枝有通籍
五嶽三山如一家遙指叢霄杳靈島島中煜煜無凡草
九仙傲倪折五芝翠鳳白麟回異道石臺石鏡月長明
石洞石橋連上清人間妻子見不識拍雲揮手升天行
摩天截漢何瀟灑四石五雲更上下下方小兆更拜焉
願得騎雲作車馬

子欲居九夷乘桴浮於海聖人之意有所在曲龍何在
在海中石室玉堂窅玲瓏其下琛怪之所產其上靈棲

復無限無風浪頂高屋脊有風天晴翻海眼願逐剛風
騎吏旋起居按摩參寥天鳳皇頰骨流珠佩孔雀尾毛
張翠蓋下看人界等蟲沙夜宿層城阿母家

柳宜城鵲巢歌

并序

俗傳鵲巢在南令人貧窮多口舌東西家者已斫
樹枝公獨任其乳育於鳥如此於人可知况承命

歌曰

相公宅前楊柳樹野鵲飛來復飛去東家斫樹枝西家

斫樹枝東家西家斫樹枝發遣野鵲巢何枝相君處分
留野鵲一月生得三箇兒相君長命復富貴口舌貧窮
徒爾為

道該上人院石竹花歌

道該房前石竹叢深淺紫深淺紅嬋娟灼爍委清露小
枝小葉飄香風上人心中如鏡中永日垂簾觀色空

耿漳詩一
首

九日

九日強游登藻井髮稀那敢插茱萸橫空過雨千峰出
大野新霜萬壑鋪更望尊中菊花酒殷勤能得幾回沽

竇叔向

詩一首

青陽館望九子山

蒼翠岩堯上碧天九峰遙落縣門前毫芒映日千重樹
涓滴垂空萬丈泉武帝南遊曾駐蹕始皇東幸亦祈年
雲祠絕跡終難訪唯有猿聲到客邊

王季友

詩二首

青出藍

芳藍滋足帛人力半天經浸潤加新氣光輝勝本清還
同冰出水不共草為螢翻覆衣襟上偏知造化靈

皇帝移晦日為中和節

皇心不向晦改節號中和淑氣同風景嘉名別詠歌
湔裙移舊俗賜尺下新科歷象千年正醑釀四海多花隨
春令發鴻度歲陽過天地齊休慶歡聲欲蕩波

劉商

詩一首

送劉南史往杭州拜覲別駕叔

兄弟飄零自長年見君睂白轉相憐清揚似玉須勤學
富貴由人不在天萬里榛蕪迷舊國兩河烽火復相連
林中若使題書信但問漳濱訪客船

楊巨源

詩二首

和汴州令狐相公白菊

兔園春欲盡別有一叢芳直似窮陰雪全輕向曉霜凝
暉侵桂魄晶彩奪螢光素萼迎風舞銀房泣露香水晶

簾不隔雲母扇韜鏗紉袖呈瑤瑟冰容啟玉堂今來碧
油下知自白雲鄉留此非吾土須移鳳沼傍

贈陳判官求子花詩

魏府出此物

油地輕綃碧且紅須憐纖手是良工能生麗思千花外
善點穠姿五彩中子細傳看臨霽景殷勤持贈及春風
若將江上迎桃葉一帖何妨錦繡同

歐陽詹

詩一首

同諸公過福先寺律院宣上人房

律座下朝講畫門猶掩闕
叨同靜者來正值高雲間
寂爾方丈內瑩然虛白間
千燈智慧心片玉清羸顏
松色落深井竹陰寒小山
晤言流曦晚惆悵歸人寰

白居易

詩三首

城西別元九

城西三月三十日別友辭春
兩恨多帝里却歸猶寂寞
通州獨去又如何

陳家紫藤花下贈周判官

藤花無次第萬朵一時開不是周從事何人喚我來

遊小洞庭

湖山土頭別有湖芰荷香氣占仙都夜含星斗分乾象
曉映雷雲作畫圖風動綠蘋天上浪鳥棲寒照月中鳥
若非神物多靈迹爭得長年冬不枯

楊衡

詩一首

傷蔡處士

篋中遺草是琅玕對此令人灑淚看三逕尚疑行迹在

數螢猶自映書殘
晨光不借泉門曉
暝色空添隴樹寒
欲問皇天天更遠
有才無命說應難

丘丹

詩二首

奉使過石門瀑布

并序

謝康樂宋景平中為永嘉守有宿石門巖上詩予
六代祖梁中書侍郎天監中有過石門瀑布詩後
亦為此郡小子大歷中奉使竊有繼作雖不足克
紹祖德追蹤昔賢蓋造竒懷感之志也

溪上望懸泉耿耿雲中見披蓐上巖巘絕壁正東面千
仞瀉聯珠一潭噴飛霰嵯瀟滿山響坐覺炎氛變照日
類虹蜺從風似綃練靈竒既天造惜處窮海甸吾祖昔
登臨謝公亦遊行王程懼淹泊下磴空延眷千里雷尚
聞巒迴樹葱蒨奔波一作恭賤役探討媿前彥永欲洗
塵纓終當愜茲願

秋夕宿石門館

暝從石門宿搖落四岩空潭月漾山足天河瀉澗中杉

松寒似雨猿鳥夕驚風獨臥不成寐蒼然想謝公

張碧

詩三首

廬山瀑布

誰將織女機頭練貼出青山碧雲面造化工夫不等閒
剪破澄江凝一片怪來洞口流鳴咽怕見三冬晝飛雪
石鏡無光相對愁漫漫頂上沈秋月爭得陽烏照山北
放出青天豁胸臆黛花新染插天風驀吐中心爛銀色
五月六月暑雲飛閣門遠看澄心機參差碧落巖畔

梅花亂擺當風散

林書記薔薇

東風折盡諸花卉是箇亭臺冷如水黃鸝舌滑跳柳陰
教看薔薇吐金蘂雙成湧出瑠璃宮天香潤罩紅熏籠
西施曉下吳王殿亂拋嬌臉新勻濃瑤姬學繡流蘇幔
綠夾殷紅垂錦段炎洲吹落滿汀雲阮瑤庭前裝一半
醉且書懷還復吟蜀箋影裏霞光侵秦娥晚憑欄干立
柔枝墜落青羅襟殷勤無波綠池水為君作鏡開妝葉

答友人新栽松

第十一句
缺二字

石門新長青龍髯虬身宛轉雲光粘聞君愛我幽崖前
十株五株寒霜天越溪老僧頭削雪曾云手植當庭月
三十年來遮火雲涼風五月生空門願君栽於清澗泉
貞姿莫迓天桃妍
易開還易落貞姿鬱鬱長依然
山童嬾上孤峰巔當窗劃破屏風煙

陳翥

詩二
首

金錢花

裊露牽風夾瘦莎
一星星火遍窠窠
間門永巷新秋裏
幸不傷廉莫怕多

古蘚寒蕪讓品流
小齋多謝伴清幽
若教夷甫門前種
也是無多過一秋

長孫佐輔

詩二首

山居雨霽即事

結茅蒼嶺下
自與喧卑隔
况值雷雨晴
郊原轉岑寂
出
門看反照
繞屋殘溜滴
古路絕人行
荒陂響螻蝻
籬崩

瓜豆蔓圃壤牛羊跡斷續古祠鴉高低遠村笛喜聞東
臯潤欲往未通屐杖策試危橋攀蘿瞰苔壁隣翁夜相
訪緩酌聊跂石新月出汗尊浮雲在中鳥常隳腐儒操
謬習經邦畫有待時未知非闕慕沮溺

秋日登山

逐勝不怯寒秋山間獨登依稀小逕通深處逢來僧側
石擁寒溜歌松懸古藤明書問知友興詠將誰能

竇鞏

詩一首

自京師將赴黔南

風雨荊州二月天
問人須雇峽中船
西南一望雲和水
猶道黔南有四千

姚合詩一
首

中秋夜洞庭圓月

素月閒秋景
騷人汎洞庭
滄波正澄霽
涼葉未飄零
練彩凝葭蕩
霜容靜杳冥
曉棲河畔鶴
宵映渚邊螢
圓彩含珠魄
微飈發桂馨
誰憐採蘋客
此夜宿孤汀

李涉

詩九首

濉陽行

黃昏日暮驅羸馬
夜宿濉陽烽火下
此地新經殺戮來
墟落無煙空碎瓦
層冰塞斷隋朝水
一道銀河貫千里
愁心翻覆夢難成
病僕呻吟呼不起
泗水三千招義軍
本是征戰邀殊勲
十年麾下蓄壯氣
一朝此地為愁人
昨日太陽回照燭
轉見天心重含育
早晚東風的發生
古隄春草年年綠

六歎

集已載
三首

蓬萊島邊採珠客西望人寰星漢隔千重疊浪聳雲高
萬里平沙連月白海中洞穴尋難極水底鮫人半相識
老蚌初開影暫明驪龍欲近威難逼辛苦風濤白首期
得珠却恨求珠時隋侯歿世幾千載只今薄俗空嗤嗤
燕王愛賢築金臺四方豪俊承風來秦王燒書殺儒客
肘腋之中千里隔去年八月幽并道昭王陵邊哭秋草
今年二月遊函關秦家城外悲河山河上山邊車馬路

殘日青煙五陵樹

關東病儒客梁城五歲十回逢
亂兵燒人之家食人肉
狼虎熾心都未足城裏愁雲不開城
城頭野草春還綠
五十餘年忠烈臣臨難守節羞謀身
堂上英髦沈白刃
門前輿隸乘朱輪千古傷心汴河水
陰天落日悲風起

却歸巴陵途中走筆寄唐知言

去年臘月來夏口黑風白浪打頭吼
櫓聲軋軋搖不前
看他撩亂張帆走逾月始到鸚鵡洲
鳴暮角喧城頭

遂巡未得見官長夢寢但覺生愁憂軍中賢倅李監察
人馬曉來兼手札教令參謁禮數全頭頭要處相稱掣
唐氏一門今五龍聲華殷殷皆如鍾就中十一最年少
別有俊氣橫心胸巧綴五言才刮骨却怕柱天身硨磲
後輩無勞續出頭坳塘不合窺溟渤君家三兄舊山侶
方寸久來常許與不覺淹留兩月餘風光漫爛生洲渚
宇文文學儒家子竹繞書齋花映水醉舞狂歌此地多
有時酩酊扶還起猥蒙方伯憐飢貧假名許得陪諸賓

酒家債負有填日恣意頗敢排青緡余瞿二家同愛客
園蔬任遣奴人摘野狐泉頭銀葉方一別十年今再覿
更有風流歛奴子能將盤帕來欺爾白馬青袍豁眼明
許他真是查郎髓良會芳時難再來隙光電影長相催
扁舟惆悵人南去目斷江天凡幾回

山中五無奈何

詩一首見本集
題止山中二字

無奈落葉何紛紛滿衰草疾來無氣力擁戶不能掃欲
訪雲外人都迷上山道

無奈澗水何喧喧夜鳴石疎林透斜月散亂金光滴欲
訪澗底人路窮潭水碧

無奈阿鼎何嬌啼索梨栗柴門正風雨千回千出欲
識老病心賴渠將過日

無奈梅花何滿巖光似雪春風總未至獨自驚時節欲
見惆悵心又看花上月

張祜詩五
首

江南雜題

積潦池新漲，頽垣址舊高。
怒蛙橫飽腹，鬪雀墮輕毛。
碧瘦三稜草，紅鮮百葉桃。
幽棲日無事，痛飲讀離騷。

賦得福州白竹扇子

探得輕字

金泥小扇謾多情，未勝南工巧織成。
藤縷雪光纏柄滑，篾鋪銀薄露花輕。
清風坐向羅衫起，明月看從玉手生。
猶賴早時君不棄，每憐初作合歡名。

潤州楊別駕宅送蔣侍御收兵歸揚州

冷氣清金虎，兵威壯鐵冠。
揚旌川色暗，吹角水風寒。
人

對輜輶醉花垂睥睨殘羨歸丞相閣空望舊門闌

觀泗州李常侍打球

日出樹煙紅開場畫鼓雄驟騎鞍上月輕撥鐙前風斗
轉時乘勢旁捎乍迸空等來低背手爭得旋分駿遠射
門斜入深排馬迴通遙知三殿下長恨出征東

閒居

僻巷新苔徧空庭弱柳垂井欄防穉子盆水試鵝兒喜
客加籩食邀僧長路棋未能拋世事除此更何為

御定全唐詩卷八百八十三